

E Indice di Confianza di Consumidor a baha cu 2,2 punto di indice na 92,8 den e tercer trimestre di 2025.

Comunicado di prensa¹


Banco Central di Aruba (BCA) a conclui e Encuesta di Confianza di Consumidor pa e tercer trimestre di 2025. E encuesta di confianza di consumidor ta evalua e percepcion economico di e consumidor local.

Preocupacion principal di consumidor den e tercer trimestre di 2025 pa e siguiente 6 lunanan:

- Como di 30% di e respondentenan ta premira cu e situacion financiero di nan hogar lo deteriora (2025-II: 17%).
- Deterioracion den e situation di negoshinan y di e economia a subi na 56% (2025-II: 46%).
- Como 42% di e respondentenan ta premira cu lo ta mas dificil pa haya un trabou nobo (2025-II: 40%).
- E mesun porcentahe di respondentenan (39%) ta premira cu e posicion financiero di gobierno lo empeora (2025-II: 39%).

Consumidornan a keda pesimista, mirando cu e Indice di Confianza di Consumidor a baha na 92,8 den e tercer trimestre di 2025 (mira Grafico 1)².

Grafico 1: Indice di Confianza di Consumidor a baha den e tercer trimestre di 2025.




Fuente: Banco Central di Aruba

¹ E version original na Ingles ta prevalece,

² E indice por varia entre 90 y 110. Entre 90 y 100, e indice ta muestra un situacion di pesimismo. Un indice di exactamente 100 ta indica cu consumidornan no ta ni optimista, tampoco pesimista, pero ta neutral den nan pensamento di desaroyo economico na Aruba. Entre 100 y 110, e indice ta muestra un situacion di optimismo den pensamento di consumidornan

E Indice di Habito di Consumidor a baha cu 3,3 punto di indice te na 93,5 durante e tercer trimester di 2025. E Indice di Situacion Actual y e Indice di Expectativa a baha den e di tercer trimester di 2025 cu 1,9 punto di indice te na 92,4 y 1,6 punto di indice te na 93,1, respectivamente. Mientrastanto, e Indice di Expectativa di Prijs a keda igual na 90,2 durante e tercer trimester di 2025 (mira Grafico 2).

Grafico 2: Resultado di Indice di Confiansa di Consumidor den e tercer trimester di 2025.



Fuente: Banco Central di Aruba

Prijsnan mas halto den e proximo 6 lunanan ainda ta keda un preocupacion grandi pa e respondentenan, como cu 90% di consumidornan ta premira cu den e siguiente 6 lunanan prijsnan lo ta mas halto, cual ta un punto di porcentahe menos compara cu e segundo trimester di 2025. Respondentenan cu a indica cu nan por "cumpra menos cu nan entrada compara cu 6 luna pasa" a subi cu 4 punto di porcentahe te na 92% den e tercer trimester di 2025. Pa locual ta e respondentenan cu a expresa cu nan ta spaar menos, esaki a crece cu 11 punto di porcentahe te na 46% den e tercer trimester di 2025.

E relato completo di e Encuesta di [Confiansa di Consumidor](https://www.cbaruba.org) ta disponibel ariba website di BCA www.cbaruba.org

Banco Central di Aruba

15 december 2025

Tocante Banco Central di Aruba

E proposito principal di BCA ta pa contribui na estabilidad financiero y prosperidad economico di comunidad di Aruba. BCA ta logra e mision aki door di implementa un maneho monetario efectivo dirigi na mantene estabilidad di balor di e florin, promove e solides y integridad di e sistema financiero y yuda mantene un sistema di pago eficiente y confiabel.

Banda di su tareanan principal, BCA ta encarga cu emision di biyete di florin y moneda di florin y ta e bankero di gobierno. Ademá e ta regula e transaccionnan di pago cu exterior y ta administra e divisanan di Aruba y ta controla e uzo di esaki.

Pa mas informacion tocante BCA, por bishita su website www.cbaruba.org
